

IBRAĨ



The history of Abraham in Bokobaru as recorded in the Ataura,
the first book of Moses, Datena 12-23.

Dii ona Abramune à bɔ a busun

Dii bè Abramune: Ñ bɔ n busun n danɛnɔ tɛ n de bɛ, ñ ta bɔsu kɛ mé ɔɔɔannɛn.

Mé to n borii kɛ pari,
mé aubarikadangu mà n tɔbɔ,
n kiian weégae aubarika en.
Mé aubarikada gbɛ kɛ aǎé sa maaa onnɛnɔn,
mé gbɛ kɛ aǎé sa zaaa onnɛnɔ ká.
Anduna bori pingi é aubarika e n gǎzi.

Ben Abramɔ dà zen lan Dii ònɛ nà. Lutɔ gàao. À wɛ̀ basiigɔ sɔɔrosaidee guun à bɔ Arana kɔn a naǎ Saraio kɔn a vɛ̀i né Lutɔ kɔn ñ auziki kɛ aǎɔ vɛ̀inɔ kɔn gbɛ kɛ aǎɔ sɛ gweenɔ. Lɛn aǎ bɔ Arana le aǎ dà Kanaa zen. Kɛ aǎ kà gwe, ben aǎ bɔɛ bɔsu pɛn ai aǎ kà Mɔre gbii lí kiia Sɛkɛmu. Kanaanɔɔ ku bɔsu pɛn guro beee. Ben Dii bɔ à mɔ Abramuzi à bè: Mé bɔsu kɛkii kpa n boriinɔamɛ. Ben à Dii gbāgbākii bɔ gwe. Kɛ à fɛɛ gwe, à mipɛ kpɛii kɛ ku Beteli ɔfāntēbɔɛ kpaanɔa, ben à bura kàɛ gwe, Beteli ku ɔfāntēgēkpɛn kpa, Ai ku ɔfāntēbɔɛ kpa. À Dii gbāgbākii bɔ gwe dɔ, ben à à sɛsi. Ben à dà zen dɔ à mipɛ Nɛgɛvia.

Kɛ dekaa kà bɔsu pɛn, ben Abramɔ gàa guro plaa kɛ Igipiti, zaake dekaa pɛ gɛ̀ ɔla. Kɛ à kà kɛi kɔn Igipitio, à bè a naǎnɛ: Má dɔ nɔ maan n ũ. Tó Igipitinɔ n e, aǎé be ma naǎn n ũ, aǎé ma dɛ aǎé n tó. Ñ benné ma dāremɛ n ũ le wà ma si ɔplaplaa n yānzi. Lan né ma misi nà n gwe. Kɛ aǎ kà Igipiti, Igipitinɔɔ è

nɔgbɛ̀ pì maaa gɛ̀. Kɛ̀ Igipiti ki Fili'auna ibano à è, aɔ̀ à maaa gɔ̀gɔ̀nɛ̀, ben wà à sè wà gɛ̀o Fili'aunane a bɛ̀. Ben à Abramɔ̀ gwà maamaa à yānzi, à sāano kpàa kɔ̀n zùno kɔ̀n zaakino kɔ̀n gɔ̀gbɛ̀ zīkerino kɔ̀n nɔgbɛ̀ zīkerino kɔ̀n lakuminɔ̀. Ben Dii gyā pāsīno kà Fili'aunan kɔ̀n a bɛ̀deenɔ̀ Abramɔ̀ naɔ̀ pì yānzi. Ben Fili'auna Abramɔ̀ sisi à bène: Bó yā n kɛ̀mɛ̀ gwee? Bɔ̀yānzi nɛ̀e omɛ̀ kè n naɔ̀nloo? À kè dia n bè n dāremɛ̀, ben ma à sè nɔ̀ ɔ̀u? N naɔ̀n ye! N n pó se n tao. Fili'auna yā'ò a gbɛ̀nɔ̀nɛ̀ Abramɔ̀ yā musu, ben aɔ̀ gàa wà zène kɔ̀n a naɔ̀o kɔ̀n a auzikino pingi.

Abramɔ̀ kɛ̀kɔ̀ana kɔ̀n Lutuo

Ben Abramɔ̀ bò Igipiti à sù Negevi kɔ̀n a naɔ̀o kɔ̀n a auzikino pingi kɔ̀n Lutuo. Abramɔ̀ né auzikideeme, à pɔ̀kãdeenɔ̀ vī pari kɔ̀n kondogio kɔ̀n vuraɔ̀. Bɔ̀na Negevi à sɔ̀ki kpàkpa ai à gàa à kàò Beteli, guu kè à bùra kàen kaaku Beteli dagura kɔ̀n Aio, guu kè à sa'okii bòn yā. Ben à Dii sisi gwe.

Lutu ègɔ̀ tɛ kɔ̀n Abramɔ̀o ledɔ̀. À sāano kɔ̀n zùno kɔ̀n bisakutaano vī se. Aɔ̀ pɔ̀kãdeenɔ̀ pari, guu pì sɛ̀ e mɔ̀mmá n pingiro. Beee yānzin aɔ̀é fɔ̀ wàgɔ̀ ku gu dɔ̀nkɔ̀a ledɔ̀ dɔ̀ro. Ben leokpakɔ̀a gɛ̀ Abramɔ̀ pɔ̀dārino kɔ̀n Lutu pɔ̀dārino dagura. Zī beea sɔ̀ Kanaano kɔ̀n Perizinɔ̀ ku bùsu pìn. Ben Abramɔ̀ bè Lutune: À maa leokpakɔ̀a gɔ̀ ku wa daguraro, ke ma pɔ̀dārino kɔ̀n n pɔ̀dārino dagura, zaake danenɔ̀n wa ũ. N bùsu gwa da n ae pingi. Wà kɛ̀kɔ̀a. Tó n gaa ɔ̀zezi, mé gá ɔ̀plazi. Tó n gaa ɔ̀plazime sɔ̀, mé gá ɔ̀zezi. Kɛ̀ Lutu guu gwà, à è Yoda guzure pingi mɔ̀dɔ̀ vī maamaa. Ai Dii gɔ̀ gá Sɔ̀dɔ̀mu kɔ̀n Gɔ̀mɔ̀rao kaatɛ̀, guzure pì de

lan Dii swadako bà, lan Igipiti bùsu bà, ai à gàa pɛ Zoaa. Ben Lutu Yoda guzure sè pingi. Aã kèkõa, ben Lutu dà zen à tà ɔfântëbɔɛ kpa. Abramụ gɔ̃ Kanaa busun, Lutu sɔ̃ ku Yoda guzure wetenɔ dagura. À bùra kàɛ Sɔdɔmu saɛ. Sɔdɔmudeenɔ sɔ̃ zaa, durunkeri sànnɔn nĩ ù Dii aɛzĩ.

Lutu tana gbera Dii bè Abramunɛ: Guu kè nĩ zen n wɛɛsɛ n gu'igbāro kɔ̃n sɔ̃mɛtɛo kɔ̃n ɔfântëbɔɛo kɔ̃n ɔfântëgëkpen-o gwa. Tɔɔtɛ kè nĩ è pingi, má kpàmma, eégɔ̃ dɛ mpi kɔ̃n n boriinɔ pɔ̃ ù ai gurɔ pingi. Mé to n boriinɔ ke pari lan busu'aatë bà. Tó gbêke é fɔ̃ à busu'aatë naro, ɛ̃ndɛ eé fɔ̃ à n boriinɔ naro. N fɛɛ n liga bùsu pìzi n à gbāa kɔ̃n à yaasao gwa, zaake má kpàmmame. Abramụ fɛɛ à gàa à vɛɛ Mamare gbii lí kè ku ɛblɔnnunɔ saɛ, ben à Dii gbāgbākii bò gwe.

Lutu misina

Zĩkea Babilɔnia bùsu ki Amarafeli kɔ̃n ɛlasa bùsu ki Ariokio kɔ̃n Elamu bùsu ki Kɛdɔlaomao kɔ̃n Goyimu bùsu ki Tidalao e zĩkaa kɔ̃n Sɔdɔmu ki Berao kɔ̃n Gɔmɔra ki Bisao kɔ̃n Adama ki Sinabuo kɔ̃n Zeboimu ki Semɛbao kɔ̃n Bɛla kè wè be tia Zoa kinao. Ki gɔ̃nn sɔ̃orroo pìnɔ kɔ̃ kàkõa nĩ pingi Sidimu guzuren. Àmbe sebe wisidee ù tia. Wè kuri awɛɛplaaa dagura aɔ̃ègɔ̃ tangba kpaa Kɛdɔlaomaa. À wè kuri awɛɛ'aagɔ̃dee guun aɔ̃ gĩ bɔnɛzi. À wè gẽro dosaidee guun Kɛdɔlaoma kɔ̃n kina kè aɔ̃ kuonɔ mɔ̃ wà zĩblè Refaimunɔa zaa Asɛtero Kanaimu, aɔ̃ zĩblè Zuzinɔa zaa Hamu, aɔ̃ zĩblè ɛminɔa zaa Save Kiriataimu, aɔ̃ zĩblè Orinɔa nĩ kpìii kè wè be Seia ai à gàa pɛ ɛli Parana gbāaa.

Ben aã liara wà sù Emisipa. Àmbe wè be tia Kadesi. Aã zĩblè Amaleki bùsua pingi kǝn Am̃ri borii kè aõ ku Azazõtamanɔa dɔ.

Ben Sɔdɔmu kina kǝn Gɔmɔra kinao kǝn Adama kinao kǝn Zeboimu kinao kǝn Bela kè wè be tia Zoa kinao fɛɛ wà gàa wà zĩkańyo Sidimu guzuren. Aõɛ zĩkaa kǝn Elamu bùsu kinao kǝn Goyimu bùsu kinao kǝn Babilɔnia bùsu kinao kǝn Elasa bùsu kinao. Ki gǝɔn siigǝɔ pìnɔɔ e zĩkaa kǝn ki gǝɔn sɔɔroonɔ. Sidimu guzure kɔntaa wèɛ vĩ pari. Kè Sɔdɔmu kina kǝn Gɔmɔra kinao e bàa lɛɛ, ben aã sì à guu, ben ń gbɛ kpaaanɔ baalè wà gàa gusĩsideen. Zĩblerinɔ Sɔdɔmu kǝn Gɔmɔrao auzikinɔ kǝn ń pɔbleenɔ sèɛ pingi aã tào. Gurɔɔ mɔda Abramuu vĩi né Lutu ku Sɔdɔmu, ben aã à kũ wà tào kǝn à auzikinɔ.

Ben gbɛ kè bò ń ɔzĩ gàa à ò Eberu bori Abramunɛ zaa Mamare gbii linɔ saɛ. Mamare kǝn a dāaronɔ ɛsɛkɔlu kǝn Anɛo né Am̃ri boriinɔmɛ, aõ de kǝ gbɛ ũ kǝn Abramuo. Kè Abramuu mà wà a danɛ kũ wà tào, ben à a be zĩkarinɔ sèɛ gǝɔn wàa dɔ kpɛ baswɛɛdo plaasai à pèɛ kina pìnɔzi, ben à ń le Dani. Ben à a gbɛnɔ kpaatètɛ, ben aã sì ń tɛ gwāavĩ. Aã zĩblèmmá aã pèmmá ai Oba, Damasiku gu'igbāroo kpa. À liara à sù kǝn auziki pìnɔ pingi kǝn a vĩi né Lutuo kǝn à auzikinɔ. À sù kǝn nɔgbɛnɔ kǝn gbɛ pāndenɔ dɔ.

Kè Abramuu zĩblè Kɛdɔlaomaa kǝn kina kè aõ kuonɔ èɛ suu, ben Sɔdɔmu ki bò à dààlɛ Save Guzure kè wè be tia Ki Guzuren. Ben Salemu ki Mɛlekizɛɛkɛ mɔ kǝn buredio kǝn

geepiwẽeo. Àpi né Luda Musude gbāgbārimε. Ben à sa maaa ò Abramunε à bè:

Luda Musude musu kǝn tǝtεo Keri

aubarikada Abramun.

Aubarikadeen Luda Musude

kè à n ibεεnɔ nǎnnε n ɔʒĩ ũ.

Ben Abramu auziki kè èe suunɔ pingi kuridee kpàa. Sɔdɔmu kina bè Abramunε: Ñ ma gbēnɔ kpama ñgɔ auziki kūna n pɔ ũ. Ben Abramu bènε: Má sì kǝn Dii Luda Musude musu kǝn tǝtεo Kerio, mé n pɔke sɛro, baa kyateyĩba, le ñton be n ma kε auzikidee ũro yǎnzi. Mé pɔke sɛro, sé pɔblee kè ma gbēnɔ blè baasiro. Mɔde Anε kǝn Ɛsekɔluo kǝn Mamare kè aɔ gàamaonɔ, ñ to aɔ ń baka sé.

Luda bà kuuna kǝn Abramuo

Beeε gbera Dii yǎ'ò Abramunε wεεgupu'ena guu à bè:

Abramu! Ñton vīakero.

Mambe n sɛngbango ũ,

n asaia égɔ bita maamaa.

Ben Abramu bè: Dii Luda, bɔn né ma gbaa? Má né vīro. Damasiku gbē Ɛlieza bé égɔ de ma be tubibleri ũ. Kè née ma gba néro, ma be zīkeri pì bé égɔ de ma tubibleri ũ. Ben Dii bènε: Àmbe eégɔ de n tubibleri ũro. Né kè eé bɔ n plèn bé eégɔ de n tubibleri ũ. Ben à bɔo baazi à bè: Ñ musu gwa ñ sɔsɔnɛnɔ naro, tó né fĩ. Lεmε n boriinɔ égɔ de le. À Dii naanekè, ben Dii tò yǎ bɔo nna a naane kè à kè yǎnzi. À bènε dɔ: Diin ma ũ, mambe ma

n bɔ Uru, Kaladia busun, le mà b̀usu kekii kpamma yānzi. Ben Abramụ b̀e: Dii Luda, dian m̀égɔ d̄ k̀e eégɔ de ma ṕ ũu? À ẁeàla à b̀e: Ñ z̀ununu ẁe aaḡɔ se k̄n bl̀e ẁe aaḡɔ k̄n s̄karo ẁe aaḡɔ k̄n p̄t̄ēt̄engoo k̄n lukulukuo. Ben à ṕ p̄nɔ s̀e à m̀o pingi à p̀arapara à g̀ogok̄a, ben à k̀e à í ae d̀òdòk̄a, m̀de èe b̄aano parapararo. K̀e yeberekuno m̀ wà z̄z̄ nɔbɔ p̄nɔa, ben Abramụ p̀emmá.

K̀e ɔf̄ant̄e e ḡe kpen, i bita Abramụ k̀, ben gusia bita v̄iadee dààla. Ben Dii b̀e: Ñḡ d̄ k̀ n boriino éḡ nibɔblee b̀usu k̀ de í ṕ ũroo guu, āéḡ zɔblee gwe, weéḡ w̄et̄āammá ai ẁe wàa plaa. M̀de mé ĩa ke borii k̀ āɔe zɔbleennénɔa, n boriino é b̄e k̄n auziki bitao. Mm̄n s̄, néḡ aafiam̄ ai ñ gá zik̄o gbasa ñ ka n dezinola wà n v̄i. N nasiono bé weé liara wà su k̀, zaake Am̄rino durun e papa k̀ro.

K̀e ɔf̄ant̄e g̀ kpen, guu sì, ben Abramụ è k̄i k̀ èe t̄esukpe b̄ɔ k̄n s̄t̄eo e ḡe nɔbɔ k̀ à p̀arapara p̄nɔ dagura. Z̄i beeean Dii b̀e a bà éḡ ku k̄n Abramuo à b̀e: Mé b̀usu kekii kpa n boriino za Igipiti gulezeki swaa ai swadaa k̀ ẁe be Yuflati, b̀usu k̀ Kenino kun k̄n Kenizino k̄n Kadam̄nuno k̄n Itino k̄n Perizino k̄n Refaimuno k̄n Am̄rino k̄n Kanaano k̄n Gigasino k̄n Yebusinɔ.

Agyara k̄n a né Sumailao

Abramu nā Sarai e ne'iro. À nɔgb̄ z̄ikeri v̄i Igipiti gb̄ ũ k̀ ẁe bene Agyara. Ben Sarai b̀e Abramun̄: Lan Dii ma ke p̄aaa ũ nà, ñ dae k̄n ma z̄ikerio. Má sì k̀ mé nenɔ e à ḡz̄i. Ben Abramụ

Sarai yāmà. Abramụ wě kùri kẹna Kanaa busun gberan Sarai a zò Agyara kpàa ㄴㅁㅁ ㅁ. Abramụ dàeo, ben à ㄴㅁㅁ. Kẹ à è á ㄴㅁㅁina, à dɔkẹ a diio. Ben Sarai bè Abramunẹ: Taari kẹ wà kẹmẹe gǔ n yā ㅁmẹ. Ma a zò kpàmma. Kẹ à è á ㄴㅁㅁina, ben ègǔ dɔkẹmao. Mpi kǔn mapio, Dii bé eé yāgǔgǔwe. Ben Abramụ wèàla à bè: N zò kuu n pó ㅁmẹ. N kene lan n yezi nà. Kẹ Sarai ㅁadàa, ben à baalẹnẹ.

Dii Malaika à è ibɔkiizi gbaan, bia pì ku Suru zé saemẹ. Ben à à là à bè: Sarai zĩkeri Agyara, n bɔ mámẹ? Née gaa mámẹ? Ben à wèàla à bè: Mée bàa lee ma dii Sarainemẹ. Ben Dii Malaika bènẹ: N ẹara n ta n dii pì kiia ngǔ misieenẹ.

Mé n borii kaara aǔgǔ pari,
weé fǔ wà n lé dǔro.
N ㄴㅁㅁina, né ne'i gǔgbě ㅁ,
né tɔkpane Sumaila,
zaake Dii n yāmà n weetǎmma guu.
Eégǔ de lan zaakisẹte bà,
eé ibetekpa kǔn gbě pingio,
gbě pingi é ibetekpao se.
Eégǔ ku kǔ yān kǔn a gběnrɔ.

Ben Agyara bè: Ma wẹsì Luda kẹ è ma ele. Ben à tɔkpà Dii kẹ yā'ònẹnẹ Ludakẹema'ee. À yā bé à tò wà tɔkpà lɔgɔ pìnẹ Ludaběkẹema'ee lɔgɔ. À ku Kadesi kǔn Beredio daguramẹ.

Agyara negōgbē ì kōn Abramuo, ben Abramu tɔkpàne Sumaila. Gurɔ kè Agyara Sumaila ì, Abramu wè basiigō awɛswɛedomɛ.

Bāngukena yā

Kè Abramuo kà wè basɔɔro dosai, Dii bò à mōzi à bè: Luda Gbāabitaden ma ũ. Ñ taa'omao ñgō kuu taari sai. Ma bà kuunanyo égō gaa, mé n borii kaaranne maamaa. Abramuo dàe a puua Luda aɛ, ben Luda bène: Lan ma bà kunyo nà, né gō bori pariino dezi ũ. Weégae benne Abramuo dɔro, sé Ibraĩ, zaake mé n ke bori pariino dezi ũ. Mé to n bori ke pari, boriino kōn kinano é bo n kiia. Ma bà égō kunyo kōn n boriino ai guro pingi. Mégō de n Luda ũ kōn n boriino n gbera. Mé Kanaa bùsu kè ní ku à guu nibo ũ kɔmma pingi kōn n boriino n gbera, le aōgō vī guro pingi, mégō de ní Luda ũ.

Luda èara à bè Ibraĩne: Mpi kōn n boriino, àgō ma bà kuunao yā kūna ai a boriia. Ma bà kuunao yā kè égō kūnan ye, mpi kōn n boriino. Sede a gōgbē pingi bānguke. À bānguke ma bà kuunao seeda ũ. Sede n bori negōgbēno bānguke ní guro sɔraagōdee zī ai ní boriia, né kè wà ní í n beeno kōn zò kè wà ní lu bori pāndenano ní pingi. Wà à ì n ben yoo kesō wà lù zò ũn yoo, sé à bānguke. Bee égō de ma bà kuunao guro pingi seeda ũ a mèa. Weé gefɔodee bo a gbēno te, zaake gbē kè èe bāngukero yā kè má dìcare kūnaro.

Ben Luda èara à bè Ibraĩne: Ñton be n naōne Sarai dɔro, ñgae bene Sara sa. Mé aubarikadan mà to à ne'i gōgbē ũ, eé gō

boriino dazi ũ, b̃usu kinano é bo à kiia. Ben Ibraĩ dàe a puua Luda aè à yaadò à bè a n̄sɛ guu: Gbē kè kà wē basɔɔroo é n̄'io? Lan Sara kà wē basiigɔ akuri nà, eé n̄'io? Ben à èara à bè Ludane: N̄ suuke n̄ Sumaila gwa. Luda bè: Yāpura n naɔ Sara é n̄'i gōgbē ũ, né tɔkpane Isaaku. Ma bà égō kuo kōn à boriino ai guro pingi. Sumaila yā musu, ma n yāmà. Mé aubarikadan, eé n̄'i à kaara maamaa. Eé n̄egōgbēno i gōɔn kuri awɛɛplaa, aɔé gō kinano ũ, à borii é ke pari. Baa kōn beeeo ma bà kuunanyo é gō Isaakuame. Zii m̄ondaa'i Sara é à i. Kè Luda yā'ò Ibraĩne à yāa, ben à à tò à tà musu.

Ben Ibraĩ a né Sumaila sè kōn a be gōgbē kè wà n̄ í a beeno kōn zò kè wà n̄ luno n̄ pingi, ben à bāngukènné zī beeeo gōɔ lan Ludaa òne nà. Ibraĩ kà wē basɔɔro dosai, gbasa à bāngukè, à né Sumaila sō wē kuri awɛɛ'aagō. Guro dōnkō pì zī Ibraĩ bāngukè kōn a né Sumailao kōn a be gōgbē kè wà n̄ í a beeno kōn zò kè wà n̄ lu bori pāndeano n̄ pingi. Aɔ bāngukè guro dōnkō zīme.

Nib̄ono m̄ona Ibraĩ kiia

Dii b̄ò à mò Ibraĩzi Mamare gbii lino saɛ. Ibraĩ vēena a bisakuta kp̄eele f̄aantē. Kè à wɛɛsè musu, à gōɔn aagōɔ è zena. Kè à n̄ é le, ben à f̄ɛe kp̄eele kōn b̄ào à ḡaa à dànl̄e à dàenné a puua à bè: Dii, tó ma n p̄onnaa è, n̄ton gē mam̄oma n z̄ɔblerilaro. Mé m̄oare ío à gbá pipi à kammabo lí gbaru kè. Lan a b̄ɔe ma beɛ kpa nà, mé m̄oare p̄obleeo fete le à gbāaa e, gbasa à da zen. Ben aɔ bè: Tò, n̄ ke lan n̄ ò nà. Ben à ḡaa Sara kiia kutaan à bè: N̄ flawa k̄o zakale aagō n̄ buredi ke kpakpaa. Ben à baalè à gē a

zùno te à zùne bòro maaa kù à kpà a zíkèria, ben zíkèri pì gàa à kèkè kpakpaa. Ben Ibraĩ zwifāani kōn zwi'ipuo kōn zù kè wà kèkè pìo sè à gàa à dienné. Gurɔ kè aɔɔe pɔblee, àpi ze ní sae lí gbaru gwe.

Ben aɔ à là wà bè: N naɔ Sara ku mame? À bè: À ku kutaan gwe. Ben Dii bè: Mé ɛara mà mo n kiia zii mɔndaa'i, n naɔ Sara é ne'i gɔgbɛ ũ. Sara ku à kpɛɛ kuta kpɛɛle èe maa. Ibraĩ kōn Sarao zikù, Sara è nɔgbɛno pɔ kɛ dɔro. Ben Sara yaadò à bè a swɛ guu: Ma zikù, ben ma dii zikù dɔ. Mé pɔnna yā pì dɔ dɔ? Ben Dii Ibraĩ là à bè: À kè dia Sara yaadò? À bè amɔ kè a zikù é fɔ à ne'i dɔ? Yāke ègɔ zĩũmero. Zii mɔndaa'i tó à gurɔ kà, mé mo n kiia, gbasà Sara ne'i gɔgbɛ ũ. Ben Sara lesè à bè ée yaadɔro, zaake vĩa à kù. Ben Dii bè: É'e, n yaadò.

Ibraĩ aduakena Sɔɔɔmune

Kè gbɛ pìno fɛɛ, Ibraĩ gàa à zenné, ben aɔ Sɔɔɔmu kpaa gwà. Ben Dii bè: Mé yā kè má yezi mà kɛɛ ute Ibraĩnero. À boriino ègɔ bita aɔégɔ gbāa vī. Anduna bori pingi é aubarika e à gāzĩme. Zaake ma à sè le à o a nenɔne kōn a boriino a gbera aɔgɔ ma yā kùna aɔ yāmaa zedee kɛ, le mà yā kè ma à legbène kene. Ben Dii ɛara à bè: Yā kè wèe oo Sɔɔɔmu kōn Gɔmɔrao musu pari, ní durun gè ɔla. Mé gá gwe sa mà gwa, tó yā kè aɔɔe kɛɛ zaà lan má mà nà. Tó aɔɔ de le sɔro, mé dɔ.

Kè ní gɔɔn plaaa pìno dà zen aɔɔe gaa Sɔɔɔmu, ben Dii gɔ kōn Ibraĩo gwe. Ben Ibraĩ sɔzi à bè: Né gbɛ maaano wara ledò kōn gbɛ zaaanon yɔ? Tó gbɛ maaanɔ ku wete pì guu aɔ kà gɔɔn

baplaa akuri, né í waran yɔ? Né suuke wete pìo gbě maa gɔɔn baplaa akuri pìno yānzìroo? Ì suuke! Ìton ke lero. Ìton gbě maaano dede ledò kɔn gbě zaaanɔro, zaake aɔ dɔnkɔro. Ì suuke! Ìton ke lero. Mmɔn kè í de anduna pingi yākpakeri ũ, né yāke a zearoo? Ben Dii bè: Tó ma gbě maaano è Sɔɔmu gɔɔn baplaa akuri, mé suuke wete pìo í yānzi. Ben Ibraĩ èara à bè dɔ: Mamɔma kè má de busuti kɔn tubuo ũ, ì gaafɛekeme mà yā'onne, Dii. Tó gɔɔn sɔɔroo kěsā gɔɔn baplaa akuri pì guu, gɔɔn sɔɔroo pìno yānzi né wete pì kaatɛɔ? Ben Dii bè: Tó ma gbě maaano è gɔɔn baplaa asɔɔro, mé wete pì kaatero. Ben Ibraĩ kpe èe yā'oone à bè: Tó gbě maaano kà baplaa sɔ né? Ben Dii bè: Mé yāke kero gɔɔn baplaa pìno yānzi. Ben à bè: Dii, n yā nna! Ìton pɔfɛro, má yezi mà yā'o dɔ. Tó gbě maaano kà baaakuri sɔ né? À wèàla à bè: Tó ma gbě maaano è aɔ kà gɔɔn baaakuri, mé yāke kero. Ben à bè: Ì gaafɛekeme dɔ Dii, mà yā'onne. Tó gbě maaano kà gɔɔn baroo sɔ né? À wèàla à bè: Mé wete pì kaatero gɔɔn baroo pìno yānzi. Ben à bè: Dii, ìton pɔfɛro, yā kekii baasi mé yā'o dɔro. Tó gbě maaano kà gɔɔn kuri sɔ né? À wèàla à bè: Mé wete pì kaatero gɔɔn kuri pìno yānzi. Kè Dii yā'ò Ibraĩne à yāa, à gě zɛla, ben Ibraĩ èara à tà bɛ.

Sɔɔmu kɔn Gɔmɔrao kaatena

Kè malaika gɔɔn plaaa pìno kà Sɔɔmu uusie, Lutu vɛena Sɔɔmu bii kpeele. Kè à í é, à fɛɛ à gaa à dànlɛ à kùenné à dàe a puua à bè: Ma diino, a yā nna! À mɔ à gá pita mamɔma a zɔbleri bɛ. À zu'o à i kè, zia kɔngɔ ide'ide é da zen. Aɔ bè: Auo, wé i

gāaleme. Lutu nàkõremmá maamaa, ben aõ gè à kpen. À í yaarikè maamaa à masa kènné, ben aõ sò.

Ai aõgõ gá dae, Sòdòmudeeno lîga Lutu kpézi. Wete pì gõgbēno kàkõa gwe mámmam, gõkpareno kõn gbēnsino í pingi. Aõ lezù Lutuzi wà bè: Gõgbē kè aõ pìta n be uusieano ku máa? Ñ bœényowe, wà pãpãa keño. Lutu bò à zè kpèele í kiia, à gbà tàta kpèeo à bè: O'o ma gbēno, àton yã zaaa kero. Má nenogbēno vī gõon plaa kè aõ gõgbē dõro, mé í bœare. Lan á yezi nà à keño, mode àton yãke ke gõgbē kekiinonero, zaake aõ pìta ma beme. Aõ bène: Ñ guwe gwe! Ben aõ bè dɔ: Gbē kè né gbē zītome, ben à yezi à ke wa yãkpaekeri ũ. Wé yã zaaa kenne de í póla. Ben aõ kùsia gbãaa, aõe mo kpe gbà gboro. Ben gõon plaaa pìno ɔbò wà Lutu kù aõ gèò kpen, ben aõ zé tàta. Aõ tò vĩa gbē kè aõ ku kpèeleno kù í pingi né fete gbēnsi, ben aõe kpe gbà wete ai aõ kpàsa. Gõon plaaa pìno bè Lutune: Dé í vī kè dɔɔ? Négõgbēno, nenogbēno, n né anzurenò kõn gbē kè aõ de n gbē ũuno wete guu í pingi. Ñ bœényo, zaake wa mo wà gura kè kaateme. Yã zaaa kè wèe oo wete pì deeno musu gè Dii swān, ben à wa zī wà wete pì kaate. Lutu bò à gàa à ò a neno anzurenone à bè: À fèe wà bœ, zaake Dii é wete kè pì kaate tiamé. Ben aõe daa èe faadiboome.

Kè guu dð malaika pìno nàkõre Lutua wà bè: Ñ fèe n n naõ kõn n nenogbē gõon plaaa kèno sèe n bœényo kè, le ñton ga wete pì kaatena guuro yānzi. Kè Lutu e sekakee, Dii à wēnda bò, ben gõon plaaa pìno à kù a ɔa kõn à naõ kõn à nenogbē gõon plaaano, aõ bœényo wete kpèe. Kè aõ bœényo le, ben malaika pìno

doke bè Lutunɛ: Ì baale ì nɛĩnda misi. Ìnton kpɛɛ gwaro. Ìnton zɛ guzure pì guuro. Ì baale ì mipe kpíiinɔa lɛ ìnton garo yãnzì. Ben à bènné: Auo ma dii! N yã nna! Mamɔma n zɔbleri ma n pɔnnaa è, n gbẽkɛkɛmɛ maamaa, n ma misi. Mɔde mé fĩ mà baale mà kpíiii pìnɔ kii lero. Ai màgɔ gá ka gwe, kaatɛna pì é ma le mà ga. Ì lakutu ke gwa kãaa. Lan à kĩi nà, mé fĩ mà baale mà gá gwe. Lakutu nengomɛ sɔ. Ì to mà baasi mà ta gwe, mégɔ aafia. Asa à nengoroo? Ben à bènɛ: Ma n gba zé, mé lakutu kè nɛɛ oo pì kaatero. Ì baale ì ta gwe kpakpaa, zaake mé yãke ke gĩaro ai ì gá káo gwe. Beee yãnzin wà tɔkpà lakutu pìnɛ Zoa.

Kè Lutu Zoa lè, ɔfãntɛ e fɛɛɛ, ben Dii tò tɛ kɔn ɔfãntɛgbɔ bɔ musu à kà Sɔdɔmu kɔn Gɔmɔraola. À wete pìnɔ kàatɛ kɔn gbẽnɔ kɔn guzure pìo kɔn linɔ kɔn sɛnɔ pingi. Kè Lutu naɔ a kpɛɛ gwà, ben à lì à gɔ zena wisi gbɛ ũ.

Kè guu dɔ, Ibraĩ fɛɛ kɔngɔ idɛ'idɛ, à gàa guu kè à kun yã kɔn Diio pìn. Kè à Sɔdɔmu kɔn Gɔmɔrao kpaa gwà kɔn guzure pìo pingi, à è tɛsukpɛ e fɛɛɛ tɔtɛ lan mɔdate tɛsukpɛ bà. Lɛmɛ kè Luda guzure kè Lutu kun wetɛnɔ kàatɛ lɛ, Ibraĩ yã dòn, ben à Lutu bɔ wete kè à kàatɛ pìnɔ guu.

Lutu boriinɔ

Kè Lutu bɔ Zoa, à gàa à vɛɛ kpíiino tɛ kɔn a nɛnɔgbɛ gɔɔn plaaanɔ, kè à kuuna Zoa vĩa vĩa yãnzì. Ben à gɔ ku gbɛwɛɛn kɔn a nɛnɔgbɛ pìnɔ. Ben Yɔɔ bè Bãanɛ: Wa de zikũ, ben gɔgbɛ kee ku busun à daɛwao lan wè ke nàro. Ì mɔ wà wɛɛ kakanɛ wé daɛo,

le wàgõ wa borii e à gāzĩ. Gwāavĩ beee aõ wēē kàkanē, ben Yõw gāa à dàeo. Lutu e dõ gurɔw kè à dàeao ke gurɔw kè à fèero.

Kè guu dõ Yõw bè Bāanē: Ma daē kōn ma deo gĩa. Wà wēē kakane uusiea dɔ, né gá n̄ daeo, le wàgõ wa borii ee à gāzĩ. Gwāavĩ beee dɔ aõ wēē kàkanē, ben Bāa gāa à dàeo. Lutu e dõ gurɔw kè à dàeao ke gurɔw kè à fèero. Leme Lutu nenɔgbē gõwɔn plaaa pìnɔw kè le wà nɔsio. Yõw nēl̄ gōgbē ũ, ben à tɔkpànē Mɔabu. Àmbe Mɔabu borii kè aõw kuu ai gbāanɔ dezi kaaku ũ. Bāa nēl̄ gōgbē ũ se, ben à tɔkpànē Benami. Àmbe Amɔni borii kè aõw kuu ai gbāanɔ dezi kaaku ũ.

Ibraĩ kōn Abimelekio

Ben Ibraĩ fēē gwe à gāa Nēgevi busun Kadēsi kōn Suruo dagura. Kè à gāa à vēē Gera, à bè a naõ Sara né a dāremē, ben Gera ki Abimeleki gbē zĩ à à sè à sùo. Ben Luda bò à mò Abimelekizi nanaa guu gwāavĩ à bènē: Né ga nɔw kè n̄ sè pì yānzi, zaake nɔzāreemē. À mò à lè Abimeleki e daeo kòro, ben à bè: Dii, né borii kè aõwē yāke keroonɔ deden yɔ? Àmbe à bèmē a dārenloo? Nɔgbē pì sō bè a dāgōmē. Ma yākè a zeame, má taari vīro. Ben Luda bènē nanaa pì guu: Eè, má dõ kè n yākè a zeame. Beee yānzi ma kpanne n̄ton durunkemero, mēē we n ɔkè nɔgbē pìaro. Tia sa, à gōgbē pì nɔw kpaa, zaake annabime. Eé aduakenne le n̄ gō aafia. Tó nēē à nɔw pì kpaa sōro, n̄gõ dõ kè n game, mpi kōn n gbēnɔ a pingi.

Ben Abimeleki fēē kɔngɔ idē'idē, à a gbēnɔ sisi à yā pì tōkēnné n̄ pingi, ben vĩa n̄ kũ maamaa. Ben Abimeleki Ibraĩ sisi à

bèné: Bɔyānzi n kèwe lezi? Bó taarin má kènne gbasa n tò ma gō durundee ũ kōn ma būsuo? N yā kè de wà keroo kème. Bó laasuu n lè gbasa n yā pì kè? Ibraĩ wèàla à bè: Mée daa yā gbēkee Luda vīa vī būsū kekii guuro, weé ma de ma naō yānzime. Beee gbera nɔgbē pì né ma dāreme yāpura. Wa de dōnkōme, baade kōn a dao, ben à gō ma nɔ ũ. Kè Luda ma bɔ ma de be yā, mée likāazō, ben ma bè ma nɔ pìne guu kè wé gán pingi, à gbēkēkeme àgae be a dāgōn ma ũ. Ben Abimeleki mò kōn sāano kōn zūno kōn gōgbē zīkerino kōn nɔgbē zīkerino à kpà Ibraĩa, ben à à naō sòkpane. Ben Abimeleki bè: Ma busun ye, n vée guu kè n yezin. Ben à bè Sarane: Ma kondogi ɔ bɔɔ doo kpà n dāgōa agbaakpabo ũ, le gbē kè aō kunyonɔ dō n pingi kè nēe taarikero. Ben Ibraĩ wēekè Luda, ben Luda Abimeleki gbà aafia kōn à naō kōn à nɔ yigisainɔ, le aō ne'i, zaake Dii tò Abimeleki be nɔgbēno pāa kù yā Ibraĩ naō yā musu.

Isaaku ina

Dii aubarikadà Saragu lan à ò nà, à kènne lan à legbène nà. Ben à nɔsì à ne'i kōn Ibraĩo gōgbē ũ à zikū guu gurɔ kè Luda diene. Ibraĩ tɔkpà né pìne Isaaku. À bāngukène à gurɔ sɔraagōdee zī lan Luda diene nà. À kà wè basɔro a né pì iguro. Ben Sara bè: Luda yáadɔziyā kème, gbē kè mà pingi é yaadɔmao. À bè ɔ: Weé we wà be Ibraĩne yā mé gō nedandee ũ? Àe ma nɔgōgbē ò a zikū guu.

Kè né pì bita kù à kè yōa, ben Ibraĩ à kēna yōa pɔnnaakè. Sara è né kè Igipiti nɔgbē Agyara ì kōn Ibraĩo ègō Isaaku

yaadɔmɛ, ben à bè Ibraĩnɛ: Ñ pɛ zò pìà kɔ̃n a néo, zaake zò né pì é tubible kɔ̃n ma né Isaakuoro. Yǎ pì Ibraĩ pɔɔ yàka maamaa, zaake à néme, ben Luda bènɛ: Ñton to n nɔsɛ yaka n né kɔ̃n n nɔgbɛ̃ zĩkeri pìo yǎ musuro. Yǎ kè Sara e oonne pingi ñ ma, zaake Isaaku boriinɔn weégae benné n boriinɔ ũ. Mé to zò né pì borii kɛ se, zaake n néme. Ben Ibraĩ fɛɛ kɔngɔ idɛ'idɛ, à pɔblee sè kɔ̃n í tuuo à kpà Agyaraa. À dìnɛ, ben à à né kpàa dɔ. À à gbàrɛ, ben à gàa èè likɔ̃aazɔɔ Beseba gbaan. Kè í yǎammá, à gɔ̃kparɛ pì tò lí gbaru, ben à gàa à vɛɛ aɛ kàzulɛeki zǎ len, zaake à bè á yezi à a né gana ero. Kè à gàa à vɛɛ kǎa lɛ, ben à nà ɔɔɔnaa.

Luda gɔ̃kparɛ pì ɔɔɔɔ mà, ben Luda Malaika lezù Agyarazi zaa musu à bè: Bó bé à n lee Agyara? Ñton vĩakero, zaake Luda né pì ɔɔɔɔ mà guu kè à kun. Ñ fɛɛ ñ n né pì sɛ ñ à kũ a ɔɔa, zaake mé to à gɔ̃ bori isi ũ. Luda nɔgbɛ̃ pì weekène, ben à lɔgɔ è. À gàa à itò a tuu pa, ben à mò à kpà a né pìà à mì.

Ludaa ku kɔ̃n né pìo ai à isi kũ. Ègɔ̃ ku gbaan, ben à gɔ̃ tofekari ũ. Gurɔɔ kè à ku Parani gbaa pì guun à da Igipiti bùsu nɔɔ sɛnɛ.

Ibraĩ kɔ̃n Abimelekiò ledolekena

Gurɔ̃ beeeà Abimeleki kɔ̃n a zĩkpɛɛnɔ gbɛ̃nsi Fikɔluo gàa Ibraĩ kiia aɔ bènɛ: Ludaa kunyo yǎ kè nɛɛ kɛɛ guu pingi. Ñ ladame kè gɔ̃ ñ si kɔ̃n Ludao kè né bɔ ma kpɛero ke ma nɛnɔ ke ma boriinɔ. Lan ma gbɛ̃kɛkènnɛ nà, ñ kɛmɛ lɛ kɔ̃n bùsu kè í ku à guu gbɛ̃ zĩtɔ ũuo. Ben Ibraĩ bènɛ: Ma ladànnɛ. Ben Ibraĩ lɔgɔ kè Abimeleki gbɛ̃nɔ sìà yǎ sèè à sìnɛ. Abimeleki bè: Má gbɛ̃ kè

aõ yã beee kènɔ dõro, née omɛ yãro, gbãan má mà. Ben Ibraĩ sãanɔ kɔn zùnɔ kũ à kpà Abimelekia, ben aõ ledole kè kõo. Ben Ibraĩ sãnununu men swēplaaanɔ bò à kàe ñdona. Abimeleki à là à bè: Sã men swēplaaa kè n í kaɛ ñdona pìnɔ yã de diamɛ? Ben à wèàla à bè: Ñ sã men swēplaaa pìnɔ si seeda ù kè mambe ma logɔ pì yǎ. Beee yãnzì wà tɔkpà guu pìnɛ Beseba, zaake gwen aõ ladànkɔnɛ. Len aõ ledole kè Beseba le, ben Abimeleki kɔn a zĩkpɛenɔ gbēnsi Fikɔluo liara wà tà Filisitininɔ busun. Ibraĩ sãma lí tǎ Beseba, ben à Dii Luda Gurɔpingide sisi gwe. Ben à gurɔplaa kè Filisitininɔ bùsu pì guu.

Isaaku kpana sa'opɔ ù

Beee gbɛra Luda Ibraĩ yǎ à gwà à bènɛ: Ibraĩ! Ben à wèàla à bè: Mae kè! Ben Luda bènɛ: Ñ n né men doo kè í yezi Isaaku sɛ ñ gáo Mɔria busun, ñ sa'opɔ kè wè ka ten à tɛkũ oo kpìi kè mé onnɛɛa. Kè à fɛɛ kɔngɔ ide'ide, à gàari yì a zaakinɛ, ben à a zĩkerinɔ sè gǔɔn plaa kɔn a né Isaaku pìo. À sa'oyaka pàra, ben à dà zen, èe gaa guu kè Ludaa ònɛn. À gurɔ aagɔdee zĩ kè à wɛɛsè, à guu pì è kãa. Ben à bè a zĩkeri pìnɔnɛ: À gǔ kɔn zaakio kè. Mapi kɔn gǔkparɛ kèo wé gá aɛ wà dɔnzikɛ Ludanɛ, wé liara wà su wà a le kè. Ibraĩ sa'oyaka sè à dì a né pìnɛ, ben à tɛ kũna kɔn fɛɛo, aɔɔe gaa ledɔ. Ben Isaaku yǎ'ò a denɛ à bè: Baa! À wèàla à bè: Bómɛɛ né? Ben à bènɛ: Wá tɛ kũna kɔn yàkao, sãnɛ bòrɔ kè wé ka ten à tɛkũ ku máme? Ben Ibraĩ bè: Ma né, Luda bé éé sa'osã kpa. Ben aɔɔ tɛkɔzi wèe gaa. Kè aɔ kà guu kè Ludaa ònɛn, à sa'okii bò gwe à yàka kpàkpaàla, ben à a né pì yì à dà yàka

pìla sa'okii musu. Kè à f̃ē sè à ɔ̀bò le à a né pì kotokpa, ben Dii Malaika lezùzi zaa musu à bè: Ibraĩ! Ibraĩ! À wèàla à bè: Mae kè! Ben à bè: Nton ɔ̀na né pìaro nton yāke k̃en̄ero. Má d̃s sa kè n̄ ma v̄ia v̄i, n̄ē gime k̃ōn n̄ né m̄en dooro. Ibraĩ w̄eēsè, ben à s̄ākaro è líwakaa kà à kobazi. Ben à ḡaa à à k̄ũ à sa'op̄o kè wè ka ten à tekũ òo a né ḡē ũ. Ben à t̄okpà guu p̄ine Diiékpa, ben w̄èḡs oo ai k̃ōn a gb̄āao wè be: Dii é kpa a kp̄iii musu.

Dii Malaika èara à lezù Ibraĩzi zaa musu d̄o à bè: Mam̄oma Dii má sì k̃ōn ma kuunao ma bè, lan n̄ yā pì kè nà, n̄ē gi k̃ōn n̄ né m̄en dooro, mé aubarikadangu mà n̄ borii kaaran̄ne lan s̄os̄on̄en̄o bà, āéḡs pari lan isiale busu'āat̄ē bà. N̄ boriino éḡs gb̄aa v̄i n̄ ib̄een̄o. Mé aubarikada anduna bori pingin n̄ borii ḡāz̄i, kè n̄ ma yā̀m̄à yā̀nzi.

Kè Ibraĩ liara à sù a z̄īkerino kiia, ā f̃ē wà tà Beseba, ben à gur̄oplaa kè gwe.

Bee gbera wà ò Ibraĩne wà bè: N̄ v̄i Nao nās̄ Milika n̄eḡs̄gb̄ēn̄o ì. À daudu t̄on Uzu. À d̄āaron̄o t̄on ye: Buzu, Aramu de Kemueli, Kesedi, Azo, Pilidasa, Yidilafa k̃ōn Betuelio. Betueli pì bé à R̄eb̄eka ì. N̄éḡs̄gb̄ē ḡōn s̄oraaḡō kè Milika ì k̃ōn Ibraĩ v̄i Naon gwe. À n̄o yigisai Ruma n̄en̄o t̄on ye: Teba, Gaamu, Tasa k̃ōn Maakao.

Sara gana

Sara kè w̄ē basw̄ēdo aw̄eēs̄w̄ēplaa, gbasa à ḡà zaa Kiriataba kè wè be tia Èbl̄onu, Kanaa busun. Ben Ibraĩ à sosobikè à ɔ̀d̄ò à gana yā musu. Kè à ḡu a nās̄ ge kiia, à ḡaa à bè Iti

boriinɔnɛ: Nibɔ kɔn gbɛ zĩtɔon ma ũ a tɛ. À tɔɔtɛ yáma gevĩikii ũ mà ge vĩin. Ben Iti boriino bènɛ: Maree, n wa yāma. Luda gbɛ aubarikadeen n ũ wa tɛ. N n ge vĩi gbewɛɛ kè kènne maaa guu. Wa gbɛke é n tɛ gbewɛɛ kè né n ge vĩi à guuro. Ben Ibraĩ fɛɛ à kùe bùsu pì deenɔnɛ à bènné: À ma yāma, tó a we mà a ge vĩi kè. À weekemɛ Zoa né ɛflɔnua à Makpela gbewɛɛ kè ku à bu lezi yá ma à ɔɔa, eé gɔ ma gevĩikii ũ a busun.

ɛflonu vɛɛna í tɛ a wetɛ bĩlɛn gwe, ben à ò Ibraĩnɛ Itino wáa í pingi à bè: Auo mare, n ma yāma. Ma n gba buraa pì kɔn gbewɛɛ kè ku gweeo. Ma n gba ma gbɛnɔ wáa. Ma n gbame, lɛ n n ge vĩin. Ibraĩ kùe bùsu pì deenɔnɛ, ben à bè ɛflonunɛ í pingi wáa: N swākpa n ma yāma. Mé buraa pì fiabonne. N ma ɔɔ si, mé ma ge vĩin. Ben ɛflonu bènɛ: Maree, n ma yāma. Tɔɔtɛ kè à ɔɔ kà kondogi wàa plaamɛ, bɔn beee ũ wa dagura? N n ge vĩin. Ibraĩ à yāmà, ben à kondogi kè à ò yǝnɛ gbɛnɔ wáa laatarino zakaa. Lemɛ ɛflonu bu kè ku Makpela, Mamare saɛ, gɔ Ibraĩ pó ũ lɛ kɔn gbewɛɛ kè ku gweeo kɔn lí kè ku gweenɔ zaa bu pì lezi pingi. À gɔ Ibraĩ pó ũ Iti kè aɔ mò wetɛ bĩlɛanɔ pingi wáa.

Beee gbera Ibraĩ a naɔ vĩi Makpela bura gbewɛɛ pì guu Mamare kè wè be tia ɛblonu saɛ, Kanaa busun. Len bu kɔn gbewɛɛ kè de Itino pó ũ yāao gɔ Ibraĩnɛ gevĩikii ũ lɛ.